

Naalackersuisut Qitiusumik Allaffeqarfianni taassumalu ataani immikkoortorta qarfinni illunik ininillu attartortarnissat pillugit kaajallaasitaq

Inatsisartut Naalackersuisullu pillugit Inatsisartut inatsisaat nr. 26, 18. november 2010-meersumi § 23, imm. 1 naapertorlugu, makkua aalajangersarneqarput:

Atuuffia

§ 1. Kaajallaasitaq Naalackersuisut illunik, ininik aamma nuunnerni maannakkut Naalackersuisut sulisuinik, toqqortaatinik, peqqumaasivinnik, qarasaasianik il.il. maannakkut inissisimaffiannit nuussinerni allannguinermik kinguneqartunut atuuppoq.

Imm. 2. Kaajallaasitamut illut inillu najugaqarfittut siunertanullu allanut soorlu allaffinnut, toqqortaasivinnut, sannavinnut, peqqumaasivinnut il.il. atorneqartunut aamma atuuppoq.

§ 2. Kaajallaasitamit ilaangillat:

- 1) Suliffeqarfiit namminersortitat aamma
- 2) illut inillu najugaqarfittut atorneqartut, tamatumani attartortitsisut tassaallutik INI, ILLUUT imaluunniit ISERIT.

Aningaasaqarnermut Sulisoqarnermullu Aqutsisoqarfik

§ 3. Aningaasaqarnermut Sulisoqarnermullu Aqutsisoqarfik (ASA) Naalackersuisut sinnerlugit attartornernut isumaqatigiissutissanik isumaqatigiissuteqarnissanut, sivitsuinissanut, allannguineqarnut atorunnaarsitsinissanulluunniit isumaqatiginninniartarpoq.

Imm. 2. Imm. 1 naapertorlugu pisinnaatitaaffiit Naalackersuisoqarfiit ataannilu immikkoortorta qarfiit attuumassuteqartut qanimut oqaloqatigalugit suliarineqassapput.

Imm. 3. Attartornissanik isumaqatigiissutit isumaqatigiissutigineqannginneranni, sivitsorneqannginneranni allanngortinneqannginneranniluunniit ASA-mi imatut iliortoqartassaaq:

- 1) Inissanik pisariaqartitsinerit Naalackersuisut namminneq illuutaat iniutaallu pillugit killiliussani ajornannginnerannik nalilersuinerit inissaqartitsisoqanngippallu
- 2) tamakkuninnga niuerfinnik misissuinerit, taamaalillutik Naalackersuisut akigissaartitsinerpaanissaat, pitsaanerpaanillu atugassaqartinneqarnissaat il.il. qulakkeerneqarlutik.

Imm. 4. Imm. 3 naapertorlugu piffissaliussaq pingaarneq Naalackersuisoqarfinnik ataannilu immikkoortorta qarfinnik isumaqatigiissutigineqarsimasoq sapinngisamik naapertoqqissaarlugu piaarnerpaamik nalilersuisoqartassallunilu niuerfinnik misissuisoqartassaaq. Nalilersuisimanermit aamma pisariaqartitsineq naapertorlugu misissuisimanermit uppersaatit suliasamat ilanngunneqassapput.

§ 4. Illunik ininillu attartornissanut isumaqatigiissutit, sivitsuinerit allannguinerillu tamarmik ASA-mit suliarineqartassapput.

Imm. 2. Attartornissamik isumaqatigiissut § 6, imm. 4 naapertorlugu Naalackersuisoqarfimmit taassumalluunniit ataani immikkoortortaqarfimmit aamma ASA-mit atsiorneqassaaq.

Imm. 3. Attartornissamik isumaqatigiissut ASA-mi paarineqassaaq.

§ 5. ASA-mi paasissutissaasivik elektroniskiusoq pilersinneqassaaq, ingerlanneqassaaq nutarterneqartarlunilu, taamaalilluni Naalackersuisut attartugaannik aaqqissuussamik nalunaarsuisoqarsinnaalerluni, aqutsisoqarsinnaalerluni kisitsisilerisoqarsinnaalerlunilu.

Imm. 2. Paasissutissaasivimmi minnerpaatut akit, m2-inngorlugit annertussutsit, najugaqarfii, attartortitsisut aqqi, ulloq attartornerup aallartiffia naaffialu aamma attartornerup atorneqarnissaanut siunertaq allassimassapput.

Naalackersuisoqarfiit taakkulu ataanni immikkoortortaqarfiit

§ 6. Naalackersuisoqarfiit taakkulu ataanni immikkoortortaqarfiit illunik ininillu attartornissamik isumaqatigiissuteqarusuttut ASA-mut attaveqassapput.

Imm. 2. ASA-p nittartagaani immersugassamik elektroniskiusumik immersorneqartussanngorlugu nassiunneqartussanngorlugulu pilersinneqarsimasumut immersuinikkut ASA-mullu nassiussinikkut attaveqartoqassaaq.

Imm. 3. Illut inillu suussusersineqartut Naalackersuisoqarfinni taakkulu ataanni immikkoortortaqarfinni pisariaqartitanut aamma sulinerni atugassarititaasunut naapertuunnersut taakkunani namminneq aalajangissavaat.

Imm. 4. Attartornissamik isumaqatigiissutit, tamakkununnga ilanngullugit akit aamma qanoq sivistutisumik attartorneqarnissaat pillugit, Naalackersuisoqarfinnit taakkulu ataanni immikkoortortaqarfinnit attartortunit taakkunanga akuerineqassapput aamma taakkunanga imalluunniit ASA-mit atsiorneqassapput.

Imm. 5. Attartornissamik isumaqatigiissutit naapertorlugit attartortut tamarmik pisussaaffii attartornissanik isumaqatigiissuteqartuni Naalackersuisoqarfinniillutillu taakku ataanni immikkoortortaqarfinniipput.

Imm. 6. ASA-p aamma Naalackersuisoqarfiit taakkulu ataanni immikkoortortaqarfiit akornanni isumaqatigiinnginnerit Naalackersuisoqarfinni pisortaqatigiit aalajangiiffigisassavaat.

Naalackersuisoqarfinnik taakkulu ataanni immikkoortortaqarfinnik peqataatitsinerit

§ 7. Illunik ininillu attartornissanik isumaqatigiissutit Naalackersuisoqarfinnut taakkulu ataanni immikkoortortaqarfinnut allanut iluaqutaasinnaasorigaanni tamakku ASA-mit attaveqarfigineqassapput pisariaqartitsinerlu malillugu peqataatinneqassallutik.

Assersuutigalugu attartukkami inissat tamarmik atorluarneqanngippata imaluunniit attartukkamik tigusinermi allaffiit allamiittut inissaqalerpata Naalackersuisoqarfiit taakkulu ataanni immikkoortortaqarfiit iluaqutiginnaavaat.

Sulisunik, toqqortaatinik il.il. nussuinerit

§ 8. Aalajangiinerit Naalackersuisuni sulisut, toqqortaait, peqqumaasiviit, qarasaasiat il.il. nuunneqarlutik allanngornerannik kinguneqartut Naalackersuisoqarfinni pisortaqatigiinnit akuerineqassapput.

Imm. 2. Imm. 1-mut ilaatinneqanngitsut:

- 1) Utaqqiisaagallartumik taamaallaat allannguinerit (qaammatinit pingasunit sivikinnerusut),
- 2) allannguinerit Namminersorlutik Oqartussat napasuliarsuani (B-3878) inini quleriinni ataatsimi allanngortinneqartut,
- 3) allannguinerit, tamatumani sulisut, toqqortaait, peqqumaasiviit, qarasaasiat il.il. aaqqissuussaannermi maannakkut inissisimaffigisaminniittut illumi ininilu inigisaannit allanngortinneqartut aamma
- 4) allannguinerit allatut isigalugit pisariaqanngitsutut isigineqartut, assersuutigalugumi tamakku sulisumut ataasinnarmut marluinnarnulluunniit tunngassuteqartarmata.

Imm. 3. Imm. 1-imi taaneqartutut aalajangiinerit allakkiatut ilusilerlugit Naalackersuisoqarfinni pisortaqatigiinnut saqqummiunneqassapput.

Atortuulersitsineq ikaarsaariarnermilu malittarisassat

§ 9. Kaajallaasitaq 17. maj 2021-imi atuutilissaaq.

Imm. 2. Attartornissanik isumaqatigiissutit attartukkanullu tamanut attuumassuteqartillugit uppersaatit, Naalackersuisoqarfiit taakkulu ataanni immikkoortortaqarfiit ullut attartornissamik atuutilerfiusussat sioqqullugit isumaqatigiissutigisimasaat, kaajallaasitap atuutilerneranniit kingusinnerpaamik qaammat ataaseq qaangiuppat ASA-mut nassiunneqassapput.

Naalackersuisut Siulittaasuata Naalackersuisoqarfia, 14. maj 2021

Múte Bourup Egede (sign.)
Naalackersuisut Siulittaasuata

/ Hans-Peder Barlach Christensen (sign.)